

ხელშეკრულება

სსიპ შოთა მესხიას ზუგდიდის სახელმწიფო სასწავლო უნივერსიტეტსა და შპს „აგრო სახლ“-ს შორის „მეხილეობის (კაკლოვანი კულტურები)“ მე-4 საფეხურის იმ პროფესიული საგანმანათლებლო პროგრამის განხორციელების შესახებ, რომლის სავალდებულო პროფესიული მოდულებით გათვალისწინებული სწავლის შედეგების 50% ან მეტი მიიღწევა რეალურ სამუშაო გარემოში

ქ. ზუგდიდი

5 სექტემბერი 2016 წელი

ერთის მხრივ, სსიპ შოთა მესხიას ზუგდიდის სახელმწიფო სასწავლო უნივერსიტეტი, წარმოდგენილი მისი რექტორის **თეონა ხუფენიას** სახით, (შემდგომში „სასწავლო უნივერსიტეტი“), მეორეს მხრივ, შპს „აგრო სახლი“ წარმოდგენილი მისი დირექტორის **მაია მიქავას** სახით, (შემდგომში „საწარმო“), ვდებთ წინამდებარე ხელშეკრულებას და ვთანხმდებით შემდეგზე:

მუხლი 1. ხელშეკრულების საგანი

წინამდებარე ხელშეკრულება არეგულირებს სასწავლო უნივერსიტეტსა და საწარმოს შორის, „მეხილეობის (კაკლოვანი კულტურები)“ მე-4 საფეხურის იმ პროფესიული საგანმანათლებლო პროგრამის განხორციელებასთან დაკავშირებულ ურთიერთობებს, რომლის სავალდებულო პროფესიული მოდულებით გათვალისწინებული სწავლის შედეგების 50% ან მეტი მიიღწევა რეალურ სამუშაო გარემოში (შემდგომში - პროფესიული საგანმანათლებლო პროგრამა).

მუხლი 2. მხარეთა ვალდებულებები

1. სასწავლო უნივერსიტეტი ვალდებულია:

ა) უზრუნველყოს საწარმოს ჩართვა პროფესიული საგანმანათლებლო პროგრამისა და სასწავლო გეგმის პროექტების შემუშავებაში, სადაც გათვალისწინებულ უნდა იქნეს პროფესიული საგანმანათლებლო პროგრამის განხორციელებისა და პროფესიული სტუდენტის შეფასების წესი და პირობები. ასევე, ამ პროცესში, საწარმოსთან ერთად განსაზღვროს პროფესიული საგანმანათლებლო პროგრამის სწავლის შედეგები, რომელთა მიღწევა და შეფასებაც უნდა განხორციელდეს საწარმოში, განხორციელების პერიოდი და თითოეული სწავლის შედეგის მისაღწევად სასწავლო პროცესის წარმართვაზე და პროფესიული სტუდენტის შეფასებაზე პასუხისმგებელი სუბიექტი.

ბ) ხელი შეუწყოს საწარმოს პროფესიული საგანმანათლებლო პროგრამის ფარგლებში ამ საწარმოს კომპეტენციას მიკუთვნებული სწავლის შედეგების მიღწევაში და საჭიროების შემთხვევაში პერიოდულად უზრუნველყოს მისი ინფორმირება პროფესიულ სტუდენტთა სასწავლო პროცესში გამოვლენილი



გარემოებების შესახებ, ელექტრონული ფორმით ან მისთვის ხელმისაწვდომი სხვა საშუალებით.

გ) გამოყოს საწარმოსთან საკონტაქტო პირი და განსაზღვროს მისი უფლებამოსილებები.

2. საწარმო ვალდებულია:

ა) მონაწილეობა მიიღოს პროფესიული საგანმანათლებლო პროგრამისა და სასწავლო გეგმის პროექტების შემუშავებაში, სადაც გათვალისწინებულ უნდა იქნეს პროფესიული საგანმანათლებლო პროგრამის განხორციელებისა და პროფესიული სტუდენტის შეფასების წესი და პირობები. ასევე, ამ პროცესში, სასწავლო უნივერსიტეტთან ერთად განსაზღვროს პროფესიული საგანმანათლებლო პროგრამის სწავლის შედეგები, რომელთა მიღწევა და შეფასებაც უნდა განხორციელდეს საწარმოში, განხორციელების პერიოდი და თითოეული სწავლის შედეგის მისაღწევად სასწავლო პროცესის წარმართვაზე და პროფესიული სტუდენტის შეფასებაზე პასუხისმგებელი სუბიექტი.

ბ) სასწავლო უნივერსიტეტის მიერ პროფესიული საგანმანათლებლო პროგრამის განხორციელების უფლების მოპოვების შემდგომ, თითოეული მიღების ფარგლებში უზრუნველყოს არაუმეტეს 10 (ათი) პროფესიული სტუდენტის სწავლება საგანმანათლებლო პროგრამის იმ სწავლის შედეგების დადასტურების უზრუნველსაყოფად, რომელთა მიღწევაც წარმოადგენს მისი პასუხისმგებლობის სფეროს.

გ) პროფესიულ სტუდენტთა სწავლება განხორციელოს ამ ხელშეკრულების საფუძველზე შემუშავებული პროფესიული საგანმანათლებლო პროგრამისა და სასწავლო გეგმის შესაბამისად, მხოლოდ მის კომპეტენციას მიკუთვნებული მისაღწევი სწავლის შედეგების ფარგლებში.

დ) გამოყოს შესაბამისი პირი პროფესიულ სტუდენტთა საკვალიფიკაციო გამოცდაში მონაწილეობის მიღების მიზნით.

ე) უზრუნველყოს პროფესიული საგანმანათლებლო პროგრამის შესაბამისი სწავლის შედეგების მიღწევისათვის უსაფრთხო გარემოს შექმნა.

ვ) უზრუნველყოს სასწავლო პროცესი მატერიალური და ადამიანური რესურსით, საწარმოს ფარგლებში მისაღწევი სწავლის შედეგების ნაწილში და უზრუნველყოს პროფესიულ სტუდენტთა წვდომა/დაშვება საწარმოს იმ მატერიალურ-ტექნიკურ ბაზასთან (ან საშუალებებთან), რომლის გამოყენებაც აუცილებელია პროფესიული საგანმანათლებლო პროგრამით გათვალისწინებული სწავლის შედეგების მისაღწევად;

ზ) პროფესიული საგანმანათლებლო პროგრამის ფარგლებში მის კომპეტენციას მიკუთვნებული სწავლის შედეგების მიღწევის უზრუნველსაყოფად გამოყოს შესაბამისი კვალიფიკაციის ან/და სამუშაო გამოცდილების მქონე თანამშრომელი/ინსტრუქტორი, რომელიც ახორციელებს პროფესიულ სტუდენტთა სასწავლო/საწარმოო პროცესში მონაწილეობის ზედამხედველობას და მათთვის შესაბამისი მითითების მიცემას, ასევე, აწარმოებს პროფესიულ



სტუდენტთა საწარმოში გამოცხადების აღრიცხვას. აღნიშნული პირი საჭიროების შემთხვევაში პერიოდულად უზრუნველყოფს სასწავლო უნივერსიტეტის ინფორმირებას პროფესიულ სტუდენტთა სასწავლო პროცესში გამოვლენილი გარემოებების შესახებ, (ელექტრონული ფორმით ან მისთვის ხელმისაწვდომი სხვა საშუალებით), მათ შორის ისეთი გარემოებების შესახებ, რომლებიც შესაძლოა იწვევდეს ავტორიზაციის სტანდარტების დარღვევას.

თ) სწავლის პროცესის დაწყებამდე პროფესიულ სტუდენტებს გააცნოს შრომის პირობებისა და უსაფრთხოების დაცვის ნორმები. ამასთან, უზრუნველყოს აღნიშნული პირობების/ნორმების პროფესიულ სტუდენტთათვის ხელმისაწვდომ, თვალსაჩინო ადგილას განთავსება.

ი) პროფესიულ სტუდენტებთან დადოს ხელშეკრულება, რომლითაც განისაზღვრება საწარმოში პროფესიული სტუდენტის ქცევის წესები და სხვა ორგანიზაციული საკითხები.

მუხლი 3. ხელშეკრულების ძალაში შესვლა და მოქმედების ვადა

1. ხელშეკრულება ძალაშია მხარეთა მიერ ხელმოწერის დღიდან და მოქმედებს პროფესიული საგანმანათლებლო პროგრამის ავტორიზაციის ვადის ამოწურვამდე.
2. ხელშეკრულების მოქმედების ვადა შესაძლებელია გაგრძელდეს მხარეთა შეთანხმებით.

მუხლი 4. დამატებითი პირობები

1. ხელშეკრულების ძალაში შესვლიდან 10 დღის ვადაში მხარეთა მიერ ერთობლივად შემუშავებული და სასწავლო უნივერსიტეტის მიერ დამტკიცებული პროფესიული საგანმანათლებლო პროგრამა და სასწავლო გეგმა, მატერიალურ-ტექნიკური ბაზის აღწერილობა და ინფორმაცია ინსტრუქტორის შესახებ დაერთვება წინამდებარე ხელშეკრულებას და გახდება მისი განუყოფელი ნაწილი.
2. ხელშეკრულება შეიძლება შეწყდეს:
 - ა) ამ ხელშეკრულების ფარგლებში შემუშავებული პროფესიული საგანმანათლებლო პროგრამის განხორციელების უფლების ვერ მოპოვების ან ავტორიზაციის გაუქმების შემთხვევაში;
 - ბ) მხარეთა შეთანხმებით;
 - გ) საქართველოს კანონმდებლობით განსაზღვრულ სხვა შემთხვევებში და დადგენილი წესის შესაბამისად.
3. იმ შემთხვევაში, თუ საწარმოს ობიექტური გარემოებიდან გამომდინარე სურს ცალმხრივად მოშალოს ხელშეკრულება, ვალდებულია არანაკლებ სამი თვით ადრე შეატყობინოს სასწავლო უნივერსიტეტს აღნიშნულის შესახებ.
4. ხელშეკრულებაში ცვლილების შეტანა შესაძლებელია მხარეთა შეთანხმებით, წერილობითი ფორმით.
5. საკითხები, რომლებიც არ არის განსაზღვრული წინამდებარე ხელშეკრულებით, რეგულირდება მოქმედი კანონმდებლობით.
6. ხელშეკრულება შედგენილია თანაბარი იურიდიული ძალის მქონე ორ ეგზემპლარად, რომელთაგან თითო ეგზემპლარი გადაეცემა ხელშეკრულების თითოეულ მხარეს.



მუხლი 5. მხარეთა იურიდიული მისამართები და რეკვიზიტები

<p>სსიპ შოთა მესხიას ზუგდიდის სახელმწიფო სასწავლო უნივერსიტეტი</p> <p>(ს/კ 220407888)</p> <p>მისამართი: ზუგდიდი, ჯანაშიას ქ.N14, სენაკი, მშვიდობის ქ.N 192</p> <p> თეონა ხუფენია</p> <hr/> <p>რექტორი</p>	<p>შპს „აგრო სახლი“</p> <p>(ს/კ 419994527)</p> <p>მისამართი: ზუგდიდი, მურმან დემურის ქ.N1</p> <p> ნია მიქავა</p> <hr/> <p>დირექტორი</p>
--	---